



## KOMUNIKADO PA PRENSA

*Fecha*

5 di aprel 2017

*Kolaboradó di Maneho*

Corinne Leysner

*Email*

[corinne.leysner@gobiernu.cw](mailto:corinne.leysner@gobiernu.cw)

Paga tinu na trabounan di mantenshon na dos viaduktonan

Willemstad - Obra Públiko ta atvertí ku for di dia 6 di aprel próksimo, tin dos viadukto ku por ta será komplemento òf parsialmente pa tráfiko pa motibu di trabounan di mantenshon grandi. Ta trata di e viadukto bou di Presidènt Betancourt Blvd na Skalo (esun for di brùg Juliana direkshon di Waaigat) i di e viadukto bou di A.A. de Lannoy- Willems Blvd na Otrobanda (for di brùg Juliana direkshon Arubastraat). E trabounan ta nesesario pa motibu ku nunca e viaduktonan no a risibí mantenshon ekstenso, for di dia ku a traha nan den añanan 70. Durante di e periodo entre 6 i 18 di aprel ta traha riba e viadukto menshoná na Skalo. Esun na Otrobanda ta den mantenshon entre 6 i 25 di aprel próksimo. E oranan di trabou i eventual opstrukshon ta entre mitar di 9 di mainta i 5or di atardi.

Ku bòrchinan ta duna instrukshon kon pa kore e ruta di desviashon. Esnan ku normalmente ta baha for di brùg Juliana, pa pasa bou di e viadukto direkshon di Waaigat, mester sigui kore direkshon di Parera, bai man drechi na e lusnan di tráfiko pa bai Berg Altena i sigui via di Arraratweg pa bai Skalo i Punda. Tur kompania, restorant i snèk na Skalo i besindario ta keda aksesibel pa públiko durante di e trabounan di mantenshon. E tráfiko ku mester a pasa bou di e viadukto for di brùg Juliana, direkshon Arubastraat na Otrobanda, mester sigui kore bai direkshon di Seru Dòmi pa hasi un 'U-turn na e lusnan di tráfiko, pa asina sigui e kaminda. Ta trata di stroba tráfiko ménos ku ta posibel na ámbos proyekto. E kompania ku ta traha riba e proyektonan ta Aannemersbedrijf Betonbouw B.V.